







上李邦直

答上賢良 與黃安中劉子先  
朱行中同作試官

應詔造庭奏篇入等一時遴選多士榮觀竊以唐漢設科  
蓋以待非常之俊劉董論事亦足見有為之才國家累聖  
相承得人甚盛半為當世之公相或出同門之父兄自非  
學洞天人識貫今古發憤吐懣不懼櫻鱗之危投溢扶衰  
深知詞瑟之變則何以禮隆仄席望重縉紳抗足而脫塵  
埃矯首而登雲漢恭惟某官明燭萬里富兼九流不為章  
句之腐儒竊鄙簿書之俗吏以天下而自任為衆人所不  
能讜論激揚壓以萬鈞而彌壯多聞霧霽霽之一日以如  
流理物有藥石之良利民如布帛之暖通達國體疑素宦

於朝動悟上心恨相見之晚較然明白略已施行頗論說  
之有源將陶鎔之在手某素惟寡學猥預持衡觀水於瀾  
詎躬渤澥按圖求駿偶識驂駟然投我以夜光何有報君  
王之玉案載懷謙抑益用閔藏得之若驚常欲置之懷袖  
永以為好猶將示諸子孫感福之私誦言罔究

上執政求外任 時見任  
閣校理

扶無知而遊世動則多違犯不避以望人困而寡與蓋勢  
踈者情隔能薄者力微信未感於言前志欲行乎券外徑  
庭直往猶如寸梗之撞鐘叩磬自營僅若飛蚊之過耳知  
難而退乃分之宜其或心以願違勢由私迫湏臾之渴未  
能穿九仞之泉跬步所休何暇種十年之木謂不才而無

取宜廢於人見有力者必鳴或閔諸命伏念某早從鄉校  
入踐書林學未達先生之言名不挂通人之論耗精神於  
蹇淺困年力之顛侵是非不謬於自知利害相摩於多故  
同年筭冠嫁娶並舉者十人舊里田園黍稷不供者數歲  
加以伯兄長謝先隴未歸累然諸孤殆絕生意獨有少弟  
僻在海隅既矻矻以窮年嘗耿耿而不寐嚴助懷故土之  
樂罷直承明陶潛求三徑之資願為彭澤而况手足寡急  
難之助閨門多凍餒之憂期一假於外官願何辭於俗吏  
有政事之責可以赴功蒙祿廩之優足以收旒恭惟某官  
大猷經世一德亮天利萬物以無私恥一夫之失所退惟  
頑陋夙被延鎔冒歲月以淹回乏毛米之稱報因人並奏

既同南郭之吹竽以病得調獨幸支離之受粟言斯甚迫  
理或可矜竊以廉者之無求樂聞君子之虛受願屠門之  
割大嚼何為寄鷓鴣之棲一枝良足干黷鈞嚴無任

回謝馬狀元

奏藝明庭策名上第喧前驕於廣路觀者肩摩落餘藁於  
四方傳之紙貴望高時俊光勳儒林乃太平養士之功亦  
諸生稽古之報某人天姿俊徹學術粹深譬之升堂七年  
並席金鑿唱籍一鳴驚人蓋志大者氣全故寔脩而名望  
落落高騫於日下錚錚獨黯於穀中御史直聲固遺風之  
自許平津相望不數歲而可期某夙仰英游阻聞緒論方  
欲効李邕之識面慕盧仝之卜交奉詔殿廬幸觀落筆曳

裾公府復枉通門惠然投我以夜光何有報君之玉案

通衢在望絕足方道陽春白雪之音一時寡和金馬玉堂之步指日可期某猥預盛時喜聞榮捷雖仰洛中之價未盡塵尾之談

賀吳正言

右某伏審光膺宸綍更踐諫垣聞命之初望風而躍竊以蕙蘭擢秀久幽而不改其芳鳳皇來翔一出則大驚於世而况君子獨安其處衆人皆謂之賢揚於明廷宜在高位乃生靈之盛福寔上下之相驩嘗聞士必責於有為志先行其所學一失是非之辨終迷聲利之場言欲出而畏憂氣益卑而沮喪發憤吐懣彼獨何人持祿養交寔成習俗

惟大人之特立秉常德而不移於義也剛不可則止衆人警懷著龜先見之明未路淹回挺松柏後凋之操屬明王之嗣服茲萬事以圖新敷求多聞丕式元老方虛心於古訓俄反席於譚論毅然容貌之堂堂是謂王臣之震震風節可畏足以厭難於未形議論敢前足以致君於無過此寔德名之選大為邦國之光施膏澤以下民稍安輿論贊大鈞而播物行踐我公某猥以微蹤夙叨優眷限拘官守阻造台庭下情無任

賀吳轉運轉官

伏審祇承寵渥峻陟華資叙舜庭考績之優紹商典懋官之舊述聞成命增激懽悵恭惟某官器宇靜深智猷通博

遇事有不疑之決在公惟匪懈之憂百吏承風凜若神明  
之畏九年足食出於指顧之餘天子重稱其才朝廷無出  
其右果膺殊眷特拜茂恩竦簪紱之榮觀契明良之嘉會  
使軒留愛已夙慮於公歸廟鼎元勳將默符於帝賚即聞  
迅召入覲嚴宸某素託恩休阻趨威重

賀李資深中丞

光被渙恩峻陞中憲外刺百官之失內繩庶事之違大臣  
畏法而修天子斂容以過方朝廷責成之際乃事功考寔  
之時必得剛明肅又之士以正其紀綱庶幾上下遠近之  
情不貶於視聽果聞輿論僉屬我公傳命之初有識相慶  
某官高標華國清德照人色志九萬之圖氣拔東南之秀

始德稱於公相俄名暴於京師接武俊林飛縷禁掖高墻  
可仰士尤喜於先登大筆如神上亦嗟其晚見忽厭承明  
之直暫分瀕海之封馬周方重於太宗賈誼復來於宣室  
爰裨宸闕遽掌綸言坦明迨二帝之書深厚過兩京之制  
紫垣洒墨湧妙思於泉流白簡敷嘉勸孤風而鷄立禮法  
修而百度正議論一而庶心頌即正鈞衡大施德業不獨  
重風霜之任亦將隆柱石之功某素荷眷存久稽恭侍楹  
楹之跡徒仰於棹霄賀履之心尚拘於鼓翼

賀李邦直舍人

寵膺帝制光贊綸言潤色聖人之詞道宣王者之志此多  
士文章之選為一時儒學之榮才之所難得者蓋寡翁聞



嘉命歡動衆心某官思識精深器能超拔文足以經天而  
緯地道足以致君而澤民望高華岳之五千氣吞雲夢之  
八九竭從魏國來對漢廷咳談坐斥於淵雲器業遠躋於  
晁董飛名京邑竊卑稷下之游洒筆中堂共駭洛陽之少  
言不激於高訐理獨盡於忠嘉深簡上心首登清選崢嶸  
金馬之譽咫尺玉堂之遊暫領憲於東州復懷鉛於左史  
重資才藻兼代訓詞人爭嘆於湧泉吏每虞於脫腕兩漢  
之制雖尚覩於遺風三代之風可復還於今日即聞大拜  
行奮遠圖某夙荷眷存久稽恭侍云

賀范龍圖移慶州

光膺嘉命更鎮雄藩愛養利源適秉輅於東部統制方回

遽握節於西州在君子之時升宜天下之同慶况居屬郡  
良切懼悚願惟安化之河閩寔據昆夷之衿背苟知其策  
則矢石不試一失其御則疆場屢驚必資忠智之臣以副  
朝廷之眷某官家聲著代世德在民卓有高明之才夙懷  
康濟之志輟從禁御暫守帥垣人蒙奠枕之安國賴長城  
之固避子亭之坐可想遺風立棠棣之碑何慙往躅好還  
聞寄入贊家司某限守州符阻趨鈞屏下情無任

賀胡學士加職知桂府

竊以海中三峯地稱仙境嶠南五筦天限炎荒一則提封  
屏翰之邦一則取象圖書之府惟時嘉命屬我名臣恭惟  
知府安撫龍圖閣學淵微器能通博奉咨詢之煩使美譽



處於先朝入綴星郎暫游蘭省後來居上安暇競時獨秀  
必擢翻成 物寧遇風而知退耻躍金以自言疾驅太行  
周覽二陝邊民待哺喜車馭之復來野老饋漿驚節麾之  
幾盡果膺優詔擢預清班能世其家青氈故在不難為弟  
棠棣相承願東眷之方隆將陶鎔之在即折衝萬里雖賴  
得人雅意 未容去國行聞美拜寔慰僉言某素以孱  
愚重叨獎遇為屬部之吏嘗恪下陳同舉酒之歡復陪廣  
座猥煩謙德先辱長緘得之若驚嘗欲置之懷袖永以為  
好猶將示諸子孫感荷之深誦言奚既

上李邦直

一違鈞坐再閱歲華夕櫻俗吏之簿書幾廢小夫之竿牘

本  
期  
錄

盈尺之紙安能自寫其肺腸萬頃之波固亦不遺於汗潦  
憂皇所載展轉益危與其自弃而不言孰若以誠而歸罪  
某官生民先覺盛世元臣吐詞為經鄙荀揚之未粹以道  
致主非堯舜而不陳經綸以四海為心進退有古人之節  
前功未就毅然待旦而行庶政已成率爾乞身而去暫資  
舊德作鎮別都時驅大府之旌牙坐肅昔遊之泉石腹心  
之託曾未間於須臾天日之光常不違於咫尺精神相感  
寤寐不忘宜一德之有求乘三陽而並進為天下計必資  
良佐之才以我公歸永作生民之福某素慙裴陋曲被陶  
成每殫十駕之勤愧之一毫之補輟鮒得水雖竊幸於餘  
波胡馬嘶風終不忘於故國限拘官守阻造賓庭

樂靜先生李公文集卷之十六

樂靜先生李公文集第十七

啓狀十

鉅野李昭玘字成季

謝徐州范教授

回兗州知府

賀轉運使

上南京豐侍郎

永興提刑謝到任

賀交代改官

謝漕使

移京東西路提刑謝丞相

同前謝曾樞密

樂靜先生李公文集卷之十六

樂靜先生李公文集第十七

啓狀十

鉅野李昭玘字成季

謝徐州范教授

回兗州知府

賀轉運使

上南京豐侍郎

永興提刑謝到任

賀交代改官

謝漕使

移京東西路提刑謝丞相

同前謝曾樞密

華省寔躡要資惟東州之奧區為諸道之劇部非通材不足濟國用非遠略不足究利源時惟僉言允屬賢業九年足用坐追滋殖之風四輔維人行被吁謨之眷某幸緣聯事遂獲依仁尚阻叅承但勤嚮仰

上南京豐侍郎

寵被恩綸滌司留鑰仁賢所至民吏相驩恭惟某官國器宏深天姿純敏言動皆君子之法出處有古人之風早升要途益聳清望道學有本得之自然政事不煩聞者皆化惟別都之重鎮須近待之名臣克壯藩垣式宣惠澤報政之速固無俟於期年為國之光將入升於近弼某素承知遇竊獲庇庥願望履之有期寔瞻風而自幸

永興提刑謝到任

某蒙恩授前伴官已於正月十二日到任者委轡下車勤吏民之趨走據按涉筆擁文墨之紛紜將何補於事功徒有慙於面目伏念某迂踈末學鄙野孤生賦材不長聞道最晚棲遲日月僅成九轉之功蹭蹬風塵未蒙一顧之價再預充庭之貢漫為入洛之遊敢意斐文偶塵精鑒初乏青錢之作宜置下陳誤經黃絹之評遽超數等叨從祿仕擢儻儒官詎能握管以窺天良愧奔蜂之化蠅屬大明之繼照延舊德以亮功博收人才盛集冊府開閣之始豈乏異能備員者誰乃出下客入共榮於入彀時皆謂之登瀛正始諸賢濫陪武步石渠秘籍頓發見聞惟知反己以自

求敢覬因人而幸進謂有昭昭之功者必有冥冥之志無赫赫之熱者亦無凜凜之寒欲寡過而未能恕修名之不立以愚自信曷嘗稱白而毀丹與世何尤不暇去嬰而歸蚡安有本同而未異奚傷先病而後瘳處冲季孟之間僅知所立甘陵南北之部適幸兩忘能不能各自其人不得不必尸諸命洋然迎餌詎為方氏之魚兀若畏人反類羊公之鶴嘆源泉之有本鷺蒲柳之先衰一俸未終恍已迷其姓氏片文屢通幾不辨其偏旁但縻廩粟以偷安何罪書魚之成蠹久玷外庭之列聊從別乘之行迨及更書復還舊直竟無他异莫追終賈之才名必有可觀竊預趙張之政事舍丹鉛之點勘視鞭朴之喧囂精神竟及於目前

智慮或遺於意表蠅紛訐牒驅即復來鴈集吏行守之不置間聞畏罪免勉赴功入水必濡每憂揭厲聞風知退冀免摧頽雖殫十駕之勞蔑有寸毫之補間以私門艱窘多事侵陵祿未逮於孤窮歲驚已於遲暮田無附郭久負陶潛之歸盜不通門素多張禹之愛屢申愚懇願守方州猥需造物之私特假詳刑之任 占河關之勝道連雍陝之雄小民尚氣而喜爭巨猾瀕山而為盜素稱劇部尤藉長才自非水鏡無疵權衡不撓何以吏知守法人不稱寬頤頔闇之無堪適選掄之誤及此蓋某官元功播物一德亮天見遠業於有為期太平之可致論事必同於善使人樂盡其才引偃偻以升高徒頔假手削輪困而成器幾誤揮

斤敢不慎守官箴勉思民事不近名而邀福無倚法以作威槩以中平得之安靜少圖裨報上副陶成美蔭方休曾未虞於巨臂不才自養終願託於長年過此以還未知所措

賀交代改官

對揚宸命進秩新階名德所推縉紳相慶恭惟某官降才踈敏體道靜深議論見聖人之心行義為天下之則橫經芹水之館士成有材賜見雲龍之庭上嗟晚遇遽遷美秩寔慰公評竚聞天語之咨庸行踐禁垣之清近

謝漕使

誤被綸言再叨憲領方馳驅而及境寔嚮往以為勞竊幸

拙疎乃承庥庇伏惟某官天姿超拔國器宏深爰遇興王亟踐高華之選薦逢盛旦尚紆將漕之權敢謂官常獲聯事任企聲光之雖舊拜門館之匪遙倍萬忻愉敷陳曷究

移京東西路憲謝丞相

陝西總刑任使每懷於罪黜畿東易部庇存曲荷於陶埏事簡責輕恩隆感厚此蓋伏遇某官道大而脩氣博以深用中正秉國之均專精神熙帝之載期底於治必納以忠變理陰陽三階平而萬物遂整齊法度五教敷而七政調宰正庶僚儀型四海總六官而建六典以致太和一德而協一心坐凝庶績洪鈞運物大治扇金蓋皆播於至公豈必躍而自化願才甚下並用無遺重念某早辱知憐久



叨委寄惟是寵光之異尤深戴仰之歸初以疾聞規求符竹亟蒙恩徙密邇鄉閭豈惟登車攬轡之榮寔有過家上冢之幸囊橐鮮椎剝之習桁楊無請寄之姦人謂便安心知尸素尚懼不移之愚懦難勝甚渥之眷私雖竭薄才竟虞無補終期便郡更冒大恩庶幾驅策於蹇駕不負範鎔於甄鑄

同前謝曹樞密上下同

威德茂稟傑才間生以堯舜而致君並夔龍而濟世上規姚如早推掌制之工載戢干戈果著執樞之畫居然社稷之衛為時文武之全基立太平規王體而斷國論戰勝無事運智略而明廟謀廣土闢而七政調泰階平而萬物遂

制四夷而請命同一德而協心端率百僚坐凝庶績

謝交代上官正言

登車陝右已叨煩使之榮易部畿東獨竊總刑之寄內愧精神之消耗難勝責任於澄清矧英軌之在前仰絕塵而莫繼已積平生之欣慕更增情契於遵承雖瞻覲之後期有規模之可想伏惟某官富淵深之道學播忠厚之德名高文早擅於巍科大節久崇於要任屢光華於言路惟密簡於主知識遠器宏寔儒林之祭酒智博用大為朝廷之直臣進退裕如中正不撓上心所屬嘉謨可見於膝前使節外持公論久期於環右佇膺異擢用快輿情繼展慶函更深素悃



樂靜先生李公文集卷之十七

樂靜先生李公文集第十八

啓狀十二

鉅野李昭玘字成季

謝運使學士

答留臺沈大夫

回致仕畢大夫

賀濟州太守禮上

儕倅問候

沂宿太守問候

沂宿通判問候

提刑問

賀荆王

賀淮陽知軍到任

謝曹州呂孝廉

謝黃尚書

謝運使學士

滙懇乞麾方自規於假守被恩易地猶外總於詳刑濫同  
原濕之馳喜有瞻言之便速循孱緩寔幸庇依伏惟某官  
道學知天德名輔世文章足以華國事業見於濟時被熙  
寧睿聖之知叅金華勸講之任發揮奧義允協上心伯仲  
談經偉矣一時之美君臣合契煥乎千載之逢早預登瀛  
久宜視草淵衷密簡舊德是圖眷惟京左之將輸寔首國  
中之轉餉借籌良畫澄清暫委於宣風告后嘉猷雅健方

思於掌制竹期迅召亟展慶函欣禱併深叙陳奚罄

答留臺沈大夫

滙懇乞麾方自規於假守被恩易地猶未總於詳刑視事  
云初賜函先及伏以某官雅推令矩久著能名請留鑰之  
臺綱暫資宿望披中宸之芝檢行踐孽塗覩德未遑致郵  
不敏良有後時之愧蓋深內訟之私感昨既并叙言罔既

回致仕畢大夫

謬膺煩使方愧於澄清夙仰高風雅懷於瞻觀遺蹟未遑  
於郵置既音先辱於騰函伏惟某官諳著令名久躋臚仕  
遂巡易退之節士夫共仰於懸車優游佚老之榮談笑未  
承於揮塵即圖披晤深祝保感系之誠叙陳奚既

賀濟州太守禮上

顯膺綸命榮領藩符涓擇剛辰奉宣王詔伏惟慶慰恭惟  
某官挺才出類秉德兼仁朝廷允協於僉謀郡國寔資於  
共理恩威方著聞望蓋隆緬惟布政之優綽有怡神之裕  
雞犬堦境庶可仰於仁風桑梓在郊均有蒙於德庇傾依  
第切瞻對未緣伏願上為邦家精調寢饋

儕倅問候

結好鄰邦幸及餘波之潤被官半刺阻陪揮塵之談月吉  
薦更郵音稍闕迭惟副貳之暇動協神明之休某官德宇  
淳深聲猷聳邁游刃久當於煩劇宅心自處於高明某濫  
以散才謬當別乘鄉閭已熟於風化治境又託於庇庥仰

德寔勞馳心孔疚方應鍾之在候宜吉履之順時伏願上  
為廟朝精調寢饋

沂宿太守問候

行郵潤畧曠馳款啓之音大府重深徒仰浚明之德茂惟  
鎮俗之暇克擁自天之休某官學際聖真才高名世良二  
千石果膺治主之求課第一人行見褒書之下某濫叨貳  
政獲庇鄰封願疆鎮之坐拘莫親高範雖馬牛之不及尚  
借餘光泰對未緣傾依至切願保寢興之美蓋介福綏之  
休

沂宿通判問候

督府閔決愧非半刺之良擊柝相聞殊慶此賢之吉徒有

德公之願尚踈奏記之勤越惟燕間休有物相恭以某官  
器能通博風度醇深薦更寄委之煩夙振清修之美豈茲  
別乘可屈遠圖佇顯効之寢彰副公朝之明陟叶光御政  
和叔司方伏覲上為邦家精調寢饋

提刑問候

講聞高譽雖懷仰德之勤奔走宦遊未獲依風之便比叨  
屬部猥託巨庥將觀使節之華遂如昔日之願某官器周  
物表識洞幾先早膺中辰之眷求特委東州之庶按奉行  
拜憲方曲盡於恕心進對楓宸將入叅於近輔即期迎拜  
倍切懽愉

賀荆王

裂地全荆撫有大邦之衆建旄東道載兼兩鎮之雄茂推  
同姓之恩永賴維藩之固凡叨臨庇舉積懽愉某限守州  
符阻趨宮邸

賀淮陽知軍到任

宦服奔馳悵趨風之久阻封圻連絡幸擊柝之相聞方染  
翰以馳誠忽飛騰之未既載懷謙抑但極感銘某官才賦  
踈明函器夷粹雅有臨人之望夙推治劇之能剖竹方州  
暫煩於共理握蘭華省行躡於近班尚阻披陳益祈珍衛

謝曹州呂孝廉

得士則重方盛世之有為舉爾所知蓋古人之公義猥叨  
庶按敢後薦揚僭易為慙賤踈何補某官才猷兼備風績

素高久揚歷於事功慙淹回於藩守昔年共事已凌厲於青雲比歲得遷尚蒼茫於白首幸緣眾譽輒罄裴言固非量力之所宜特恐蔽賢而蒙罪豈期謙眷特屈誨存感服之私誦言罔究

謝黃尚書

誤被宸恩就更憲領根緣獎遇獲預光華方俟命以造朝阻登門而伏謁敢期謙屈曲示村存聽君子之言未遑欽袂拜使者之賜竊幸置懷

樂靜先生李公文集卷之十八

樂靜先生李公文集第十九

賀冬正啓狀十四 鉅野李昭玘字成季

賀游冬臨冬

賀兩府冬

賀提舉冬

賀鄰郡守倅冬

回外邑宰冬

賀監司正

賀運司正

賀曾端明正

賀孫學士正

賀鄰郡冬

賀李邦直冬

回諸州通判冬

賀安撫冬

賀兩府冬

賀游龍圖冬

舜璣觀象迎長至於箕躔鄒律吹灰肇太和於天統陰窮於剝陽復而升正君子之大亨與廟堂均泰恭惟某官才猷映世聞望高時抱忠義於邦家勤功名於典冊比分間柄玉騰威略之聲旋偃便藩益著循良之政式遵令序宜茂繁禧即迓近密之班以輔太平之業某方祗行役將

遂泰承忻頌交深敷宣罔既

賀兩府正

三陽大亨一歲更始此天地泰通之際乃精神會聚之時宜有吉祥來薦君子某官翊亮三世儀刑百工適當龍躍之初屹有棟隆之任天其或者將俯屬於治平神寔聽之方共扶於業屨况三朝之在序惟百祿之是膺又我蒸民翳股肱之永賴錫我純嘏與邦社以同休

賀提舉冬

肇復一陽潛萌萬物應書雲之觀望增化日之舒長仰屬使華倍祈天祉某官才資高遠德性溫恭結明主之深知聯外臺之要職訓齊法守開闢利權聳人望之愈崇宜神



休之有相三微正始方協慶於今辰百福應期佇進膺於  
嘉命某限拘官守阻造賓階無任傾依祝頌之至

賀鄰郡守倅冬

玉琯昭陽土圭測日推物萌之載始嘉道長之方來君子  
對時神明協慶某官靖恭秉德直亮端懷早膺中宸之眷  
求雅為多士之師表暫資賢望出佐方州宜民之誼既喧  
聞於載躋自天之報方順履於迎長佇奉宸恩入躋近輔

回外邑率冬

陽生律本日起牛初吉履對時宜有踐長之慶謙光相與  
乃承流問之勤載味言芳唯深感臆

賀監司正

時月易而書年天地交而為泰宜大人之應會與庶物以  
咸新某官德美在躬聲華高世器識蘊兼人之富事功為  
諸路之優方近道長之期宜享景征之福佇頌褒詔入踐  
近班

賀運司正

天地既交在時為泰君子寢長與物偕通某官綽著吏能  
雅為國器順履吉亨之會茂迎福祿之來佇被陞階徑居  
華要莫違稱壽但極馳誠祝頌之深喻言美既

賀曾端明正

運回一氣卦畫三陽方天地之泰通契君臣之感會某官  
著龜先覺柱石元勳早贊略於西樞暫偃藩於東面道無



時長福以類來佇膺袞黼之褒即正鈞衡之位某限拘官  
守阻造賓闕

賀孫學士正

葦桃在戶穰磔以饒餘寒椒柏稱觴燔烈以興嗣歲在時  
為泰與物咸新某官道為儒宗望出民表暫假藩宣之尊  
尚淹廊廟之才方迎道長之期宜享彙征之福佇恭大用  
俯慰具瞻

賀鄰郡冬

微陽肇復庶物更新盪祲不祥逐郡陰而盡竄導迎多祐  
乘一氣以俱亨宜有神休來相賢業恭某官儒紳元老禁  
苑名臣久著望於朝端暫偃藩於方面利有攸往道已應

於朋來罄無不宜福將迎於類至佇承節名入輔帝猷限  
守州符阻造賓次

賀李邦直正

一歲始而為正三陽交而成泰乃天地資生之會寔君臣  
受福之時某官德業亮天誠明周物素富經綸之學屹為  
柱石之材望重兩朝進退必歸乎禮義道高萬世始終不  
累於功名神明所扶福祿來附方懇辭於機政暫出鎮於  
留都圖任舊人將再調於元化永錫難老庶大庇於斯民  
限守官箴阻造鈞屏

回諸州通判冬

書雲應候測景踐長方陽德之時升宜君子之道長某官

性姿宏厚器識疏明暫閑決於名藩將徑躋於華貫俯迎  
令節倍格繁休方脩拜慶之儀遽辱飛緘之賜但勤頌願  
尤極感銘

賀安撫冬

一陽資始萬物更新發施天地之和敷錫君臣之福恭惟  
某官生民先覺命世上才總制節於東州坐消姦慝宣詔  
條於屬吏盡格循良坐迎日至之長茂擁百祥之助七日  
來復宜君子之階升一節以趨將龍光之薰被某限拘符  
守阻造賈墀

頌兩府冬

律應黃鐘斗建子位為天地資生之始乃君臣受福之時

恭惟某官柱石元勳著龜舊德處朝廷以正直安天下以  
惠和偉然事業之光華休有神明之協相茂迎令序倍格  
龐禧賚大善人方允升於高位永錫難老將又庇於生民  
某限守州符阻趨鈞屏

樂靜先生李公文集卷之十九

樂靜先生李公文集第二十

啓狀八

鉅野李昭玘字成季

謝及第

謝舉幕職

謝舉太學博士

謝館職

代庭玉弟謝呂大資舉縣令

代謝薦

又代謝薦

代謝改官

謝及第

興能而出治雖先王本俗以教民有德者必言故近世考  
文而取士發於里選簡在帝庭暮辭褐博之卑朝飾青綬  
之貴聖人由是而政立君子資之而道行豈宜承學之瑣  
材冒廁諸儒之上列恩深渙汗愧若負芒嘗聞欲治之君  
以得士為難非常之材必待時而奮合謀以計其事兩作  
以離其明惇德允元二帝襲衣裳之化尚賢繼惡三王同  
道德之歸九官備而百工釐八政齊而五士舉作人以東  
序西序辨志於小成大成論然後官無假人之名器教之  
不率有移化之郊鄉後世失教育之方學者衰艾淑之寔  
天地之全既缺性命之理益微操守不經繡已加於鞞悅  
童昏益亂巧尚弊於雕蟲於皇我朝奮越治古方大明嗣

服之始寔百度作新之時發揚聖綸蕩斥末學神奇出而  
臭腐化糟粕弃而精醇流養成材於浸潤之微成德性於  
高明之至近觀之則言行斯富大用之則禮樂可興自昔  
所難於今為易鳶飛魚躍莫知鼓舞之神雲翔風從來格  
光華之會如某者器為物小性匪近中論世讀書嘗慕古  
人之遠遊心竄句尚迷俗學之迂加之禍患侵陵事為乖  
忤三人行而二人惑欲往何之一日暴而十日寒所存能  
幾以謂否必有喜窮當益堅幸留涸轍之軀復鼓敗軍之  
勇類陪歲貢再踐春闈偶中藝於下陳旋奔哀於故里生  
無以養逝者何追祿不逮親仕斯可已度餘年之殘槁憫  
哀系之飄零勉奉寬恩竭奉上國平日寡彈冠之援高門

無曳履之遊術本甚疎誰恤不龜之藥義難自達恥為躍  
冶之金接武掖門觀光黼座獨神遊於感忽奉清問於雍  
容心目雖明氣詞幾困少年而動文帝固慚賈誼之才徒  
步以見太宗竊感馬周之過各使發言而觀志僅能引古  
以議今盈溝之雨易窮暴日之暄奚補既乏甚高之論但  
虞無赦之誅舜用五臣蓋盡至精之選羿虧一天遂無必  
中之功尚優片善之求通預六人之列量材匪稱戴寵若  
驚此蓋伏過某官大雅存心至誠格物知識足以發天人  
之蘊聞譽足以為邦家之光才富而若虛登高而善下憫  
不能而如己無求備以與人通致謬庸輒承甄採敢不行  
其所學不念早夜之思慎乃終身少答生成之賜通此以

往未知所裁

謝舉幕職

比者特預薦章俾升幕佐名非寔副感與愧并嘗聞人雖  
病於難知士亦羞於詭遇謂能脩其身則天且不廢苟自  
信以道則世誰可輕如玉韞匱以何沽况珠在淵而心媚  
所期非速為趨每高或片言而推其器識之優或下見而  
許以公侯之貴蓋去就之有守在賢否以甚明故時無滯  
才朝盡公舉惜乎風流既息古義寢衰槩是非之寔以愛  
憎櫻榮辱之情於得喪霄漢扶持之速跬足三公塵埃排  
擯之餘蒼顏斗粟至使名身兩役物我更持冰炭裝懷夜  
忘卧夢風波駭目日起忘憂甚者巧希合於情先閑險深

於迹外邯鄲善步壽陵爭襲其趨螳螂據蟬黃雀已窺其  
後笑窮通之有序矜富貴於易媒千里坐期一跌隨廢如  
某者生而寡見長則數竒趨時雖願於激揚學道每傷於  
遲後四百年之傳序世出聞人三千秋之故書家無別橐  
引矚簪裾之列來游翰墨之場見舟即操往焉無懼取蠲  
猶掇頤者皆驚兩綴賢書再丁家禍 餘生之殘槁擢一  
第於淹回尚憐垂翅之窮猶有檣榆之決然而上京雄觀  
羣俊並驅談落落以相高意僂僂而欲舉自惟推賤分取  
弃沉何期舊學之拙迂忽誤近臣之論薦職之鄉校編以  
儒林脫敲朴之喧囂屏簿書之控惚弦歌終日酣味六經  
少釋為貧之憂終懷浮食之愧加以服大人之餘誨感末

路之多虞益知勢利之易汙未見紛華之少樂不肯碌碌  
與時太踈何為區區顧影自笑每欲玩林泉而佚老櫛杞  
菊以茹飢放浪形骸優游歲月向子平之家事猶累素心  
陶靖節之吾廬但馳去夢遲遲斯久忽忽未遑愈深必退  
之思無復僮來之望敢希孤 輒動上官憫其矩步之勞  
挈以循階而走此蓋伏遇某官至仁兼愛大雅不遺以長  
取人由恕及物傳鳴鶴之羽翮文斷木以青黃必使接天  
衢之遊庶幾成宗廟之器量能非稱荷賜適優敢不厲終  
身歸潔之心慕古人特立之義老將至耳未甘四十而無  
聞學恐失之尤愧寸陰之可惜誓堅素守上答明知

謝舉太學博士



伏蒙保舉充太學博士者天子辟離之地盡集時髦儒林  
師保之官屢先宸選願惟淺陋可復堪任如某者嗜學太  
迂賦能俱短奮壯年之精銳擢一第於淹回尚憐黑髮之  
未凋自許青雲之可致以牛捕鼠鈍不道時緣木求魚勞  
非得計碌碌衆人之後遲遲行路之間璞玉既非徒使盧  
胡而笑國能未就殆將匍匐而歸重以笄冠相仍松楸未  
卜瘠土寡棠盛之奉敝廬多風雨之憂弟兄役役於賤官  
饋粥皇皇而卒歲低徊薄祿俛俛寸心詎能忘流俗之情  
何足語丈夫之志聽南枝之啼鳥潛感星霜覽北山之遺  
文寔慙雲壑嘗從大府猥在泮宮人皆謂之投閑已獨知  
其非據襏衣布坐每聞絃誦之鏗鏘黃卷滿前為異簿書

之倥傯養口有便便之飽動人無赫赫之功但容一日之  
可居奚論十年之不調而况上官旁照雅意過優羅觴豆  
以相娛裂綫滕而更唱有如此者不亦樂乎敢期翦拂之  
思更恪薦論之列此蓋伏遇某官至誠無間大德有容與  
庶物以為春和一夫之失所芝砂並用初何與於豨苓鼎  
俎既盈猶不遺於雞胸賜出仁人之愛感深國士之知藏  
之中心誓以沒齒假鈞弓於羿手固無百中之期譽駕馬  
龍以媒已增十倍之價敢不明去就之有守要始終之不  
愉庶幾激昂少答知遇

謝館職

落筆玉堂之上僅綴千言振纓冊府之遊濫陪羣後論說



無本文詞不工序當今可舉之政事則未究大情考先王已行之法度則不開古訓訖無可錄退有後憂豈意江湖納汙川流一貫龍蛇啓蟄蠖步同伸雖幾去而復收終以榮而為懼惟天祿石渠之故事乃皇墳帝籍之所藏或出於秦人煨燼之餘稍見於汲冢斷殘之後書尤難於盡信史已甚於闕文寢潤諸子之異同頗識古人之章句詳延沉雅分命訂讐煥爛遺文上古東壁馮陵危觀古謂蓬山坐尤迫於帝居人或夸於仙去多士願聞其推轂名臣輩出於此塗由漢則子雲劉向以經術備員在唐則九齡房琯以詞章入侍故博洽名家之士萃聚於東西兩京太平儒術之功浸淫乎數百餘歲得人甚盛曠古所無國家累

聖紹休生民底又囹圄空而俎豆布干戈藏而鍾律修百度可觀皆博士儒生之論四方來獻多山巖屋壁之書永惟英皇對越治古謂取士必先於素養詔大臣各舉其所知一新東觀之討論樂得英材而任使遺風不講幾數十世之相望引類並興以二十人而聞上一時名德之盛落相高於今侍從之華班班可考規模良遠典故具存天祚真人日熙庶政躋世於安寧之域作人以忠厚之風正臣進而羣枉之道消德意孚而不肖之心化股肱一體既丕式於老成諒直多聞將旁求於新進丁寧細札祖述舊章使棲遲涵泳於圖書翰墨之林以滋長成就其高大光明之器蓋杞梓楸楠須千尺之幹珪璋琬璧非累日之工

必與之以造琢其章亦漸之以雨露之潤然後薦丘壇以  
交神明之既壯宮室而除風雨之憂豈徒然哉所用如此  
若某者生而非敏壯也無聞學淺鮮而不根氣歲蕤而易  
涸英華無幾局韻太拘既未能赫赫以動人固不善盱盱  
而徇物以牛捕鼠鈍不違時緣木求魚勞非得計碌碌衆  
人之後遲遲行路之間幸從庠序之外官不廢絃歌之舊  
習家有一鍾之石篋無三上之書乘鴈雙鳧既不關於多  
少大鵬斥鷃亦各適於逍遙何期近弼之誤知通以不才  
而應詔徬徨捧檄踧踖振衣為逢極治之朝庶達敢言之  
志而舊文卑弱空驚賈誼之通秦譽素寂寥良愧陸機之  
入洛家幾索米門寡曳裾待漏赴朝懷鉛就席感嘆紵袍

之故態願瞻金馬之盛遊下筆不休之傳毅屬交之思令  
人忘倦非馬周論事之才雖鉤擊綴拾以成編終底滯迂  
踈而可笑盡地作餅何以療飢曝日獻君未為知術尚蒙  
採擷不即弃捐驅蹢躅於蓮東竟無他異望騰驤於冀北  
猶踵後陳是何異綴魚目於夜光補狐裘以羔袖既乖准  
度有誤題評此蓋伏遇某官道德在躬聞望超世契光華  
之盛但見事業於有為文章博洽而不窮以人器質渾厚  
而樂於成物致茲末品亦預同升所願讀書陽城猶喜於  
從吏未能成賦左思亦幸為於郎而况大君深切之訓詞  
近待雍容之知遇寔英俊並遊之會方朝廷有道之時戴  
白之老畢世而再逢窮巷之士動心而竊嘆美意不輕於

樂育終身故薄於自期固當深雪滯昏鏗磨頑魯勉平生之志激昂君子之風不獨丹鉛點勘之為工必使事業語言之可用老將至矣寧自廢於聖時行或使之真少伸其素志

代庭玉弟謝呂大資舉縣令

量材非稱撫已增慙嘗聞人寔難知士非易遇言非可聽仲尼猶失於宰予君遠不懸孟子卒排於戚氏蓋乍賢乍佞如山川之莫測一用一舍譬霄壤之相懸故聖人窮理以盡觀物之明志士感知而輕殺身之報不敢忽者是非之智所尤難者上下之交而况自五十而知命則始可與言去就之方非三月不違仁則未足以見始終之操富貴

紛華之外慕窮愁怨忽之內攻持以兩端顧中流而俯仰半於九十厭末路以依徊將必保其窮年詎輕掄於精鑒至若塵埃蹇步蓬藿孤生懷美玉以待時望青雲而引睇平日寡遊談之助滿朝無曳履之容絕絃未卜於知音投筆忽逢於按劍澤邊散髮誰為興嗟轅下長歌幾成感泣故自昔重功名之際謂逢非旦暮之期惜乎古義既凋餘風益薄一諾稍輕於許可衆人爭効於馳驅詭譎不情冀浮易喪見利忘義遽操射羿之弓枉道事人翻作吠堯之犬或前恭而後肆或昨是而今非能聲暴著而毀議已喧章墨未乾而按檄隨至末流至此來者謂何共覩覆轍之危益起吹蓬之戒自非行義素著志音日脩磨不磷而涅

不緇窮益堅而老益壯則何以仰干品藻過被獎提有如  
此人未覩數輩若某者器惟拘小才不逮中早沾世祿之  
微勉踐儒衣之素簿書尤冗徒汨汨於賤官饋粥未克每  
皇皇於卒歲殫 駕短甘在捐軀拘小邑之僻迂念孤蹤  
之渺未潭潭府宇屢僂倮以趨庭兩兩台躔悵熒煌之在  
目既接以德容之盛又飲以言教之和終夜以思未識自  
之漸三年一眄敢希與進之優久俟謔呵輒參論薦感恩  
幾涕拜寵若驚此蓋伏遇某官道德在躬功業超世以勞  
謙而下物由內恕以與人大治既鈞不遺於碩鑪春陽一  
育無間於寒根敢不勤畏簡書日嚴操履慕古人特立之  
義勵終身終潔之心少副所聞仰酬大賜過此以往未知

所裁

代謝薦

蓋聞先王之時公卿大夫相與進賢拔善者既不敢蔽其  
所知閭巷賤士所以致身託名者亦不敢易其所守薦人  
於朝與衆共之非挾於私恩也彼以道焉見知於上由已  
得之非矜其幸進也吾有義爾故賢與不肖自乎人而朝  
不沾薦士之名得之不得尸諸命而下不爭施我之惠此  
三代所以直道而行也逮乎古風凋薄流俗競奔操權挾  
貴之家無恤於徇公貪得銳進之士不羞乎詭遇同乎已  
則終日而再遷不同乎已則窮年而不問見其利則一揖  
而進不見其利則三已而復來所取或非其入所得不由

諸道意相與者必曰每聞其某氏之子勢可籍者必曰願出於我公之門由富貴之使然宜情狀之乃爾其或義不遺於公舉禮無失於自媒在昔所難於今能幾如某者受性煩闇與時迂踈素無王公之遊粗知禮義之分侷侷寸祿低徊未塗固知其才不通人所幸者而寡禍但甘屏默敢冀薦論伏惟某官內推恕心外示寬德樂至公而與進操古義以自期不緣左右之言借以吹噓之力憫其孤弱俾遂遷升非獨小子之愚可當竊為東州之士相賀昔羊祜之舉不容私謝孔光之薦嘗恐人知願惟鄙心未敢忘報寸陰可惜誓不墮於素脩篤力未殫庶益勤於來効

又代謝薦

伏蒙某官保舉某充職官任使者從命指呼慙非強給上章論薦過荷陶成雖大人推博愛之心而不肖有過情之懼省循非稱感激無窮竊聞知人之明自古其御驩堯之凶有容於堯舜之世宰我之辯或取於仲尼之門在聖智以為難豈尋常之可忽故先王之法必試其所譽使百官之屬各舉爾所知行能皆中則得好賢樂善之稱品藻一誤則蒙罔上不忠之罪然猶在位者以誠明相許為士者以名節自高進無待於私言退不容於來謝迨乎士流冗濁俗習競奔羞隱阨而幸功名惡貧賤而邀富貴邪柔多與浮詭不情語言和厚以易親趨步周旋而可喜僅獲一詞之舉益加百拜之勤厚祿稍充素脩已情術既成而反



思射羿所不在則不恥吠堯謹厚者輒以勢驕潔白者終於  
墨敗斯皆物移所志 害其才固宜推轂之心必有吹蓬  
之戒彼哉奚取來者益艱自非操致遠之資曷足干盡公  
之鑒伏念某器性淺狹性識專愚學未知方仕將為祿久  
承弓冶幸家法之猶傳勉視簿書豈民情之素習適緣初  
宦託在巨庥去其體貌之尊進以父兄之教切勤佩誦粗  
免譴訶復虛獎於吏勞俾奉榮於末產發揚有自感勵不  
忘此蓋伏遇某官大德有容至仁無間憐不能而如己無  
求備以與人文朽木以青黃之華傳鳴鳩以羽翼之助將  
從瑣賤漸致激昂敢不夙夜在公始終一節慕古人之行  
已勉循吏之愛民立事立功遽敢言於今日非禮非義誓

不辱於終身惟允路於所聞庶少酬於洪造

幕佐

代謝改官

觀其為主進身者豈易於知人舉爾所知為上者亦難於  
與物蓋非義不合以道泛觀可否在我而不蔽其心窮達  
自天而一尸諸命運夫名寔不立風俗寢衰視聽悠悠不  
斷於是非之際情偽擾擾必爭於得喪之途至有迂風多  
推附火先執蘭子之劍適者歡心東郭之芋不知濫吹誰  
出愛憎之素昧未成利害之相攻其或巧言如流素書盈  
東幸韓荆州之一見借郭有道之片言高談則自謂退藏  
大致則求為容悅悽酸易感僅猶躑躅以悲鳴嫵媚不情  
何異盱眙而獻笑斯皆學術 守氣不剛間有風波之民

莫測山川之險合三言而成虎湊一隙以沉舟甚則蜂蠆  
起懷豺狼當路狡兔未得韓盧爭先螳螂方休黃雀窺後  
斯人也何所取爾為士者不亦難乎如某者少則甚愚壯  
而寡與棲遲末路蹭蹬累年再領簿書嘗懼句稽之失一  
臨民社敢言撫字之勞所賴者惟畏法而奉公自信者不  
罔民而病物訖無顯狀輒玷誤知挈短步於祿階晚一飛  
於選集陶成有自感服知歸此盖某官大德有容至仁樂  
與傳鳴鳩以羽翼文青黃以青黃使之物有成才器無近  
致茲寒陋稍預遷陞敢不御守官箴益修德履不為俗吏  
之効勉蹈古人之風貴不可求敢妄干於寵祿志須有立  
庶少濟於事功

斷木



樂靜先生李公文集卷之二十

